



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CLV. De celebratione Capituli Generalis Congregationis Piorum  
Operariorum.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Preces Provincialis pro prohibitionem sub excommunicationis poena, & privationis utriusque vocis, ac officiorum.

Prohibitio præ l. sub privationis vocis, & officiorum poena tantum.

Clausula.

& id ipsum postulantibus locorum Ordinariis, se mancipari faciant, & ita relaxata disciplina regulari, spreteque Superiorum obedientia sine focus vagentur, pecuniisque retentas in pessimos usus convertere, & si forte Superior Religionis id eis impedire prætentat, statim recursus non solum ad eosdem Nuncios, sed etiam ad Tribunalia Sæcularia interponant: ex quibus omnibus non solum præfato Conventui maximum detrimentum, sed & Ordini prædicto inexplicabile dedecus, cum notoria, ac pessima vitæ Regularis, Votorumque emissionis relaxatione, & obedientiæ jactura afferri soleat, ipse Andreas Prior Provincialis tot malis occurrere exoptans, Prælati Superioribus, & localibus Coaventum, Prioribus Provinciæ, & Ordinibus prædictorum præsentibus, & futuris sub excommunicationis, ac privationis vocis activæ, & passivæ, necnon officiorum poenis eo ipso absque alia declaratione incurrendis, ne de cætero fratribus Musicis licentiam exeundi e Monasterio ad festivitates celebrandas in aliis Ecclesiis, quam prædicti Ordinis, excepta Capella Regia, vel quando Communitas ipsa cum Cruce ad eas peragendas accedit, concedere audeant, seu præsumant per Nos prohiberi, & indulta habitus retenti, aliasque gratias similes tam a sede prædicta, quam ab illius Nunciis desuper obtenta revocari plurimum desideret: Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 1. Nos igitur ipsius Andrea Prioris Provincialis vocis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodo ibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de venerabilium fratrum nostrorum S. R. E. Cardinalium negotiis, & consultationibus Episcoporum, & Regularium, qui relationem dilecti pariter filii moderni Procuratoris Generalis Ordinis hujusmodi super præmissis ad eosdem Cardinales transmissam attenderunt, consilio, superioribus quibuscumque prædicti Ordinis, sub poenis, ut peritur, excepta illa excommunicationis, ne deinceps licentiam super præmissis ullatenus concedant, auctoritate Apostolica, tenore præsentium prohibemus, & interdicimus, salva tamen semper in præmissis auctoritate Congregationis eorundem Cardinalium.

§. 2. Non obstantibus constitutionibus, & Ordinationibus Apostolicis, ac quatenus opus sit, Provinciæ, Ordinis, & Conventuum prædictorum, etiam Juramento, Confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die XXII. Februarii MDCCXVII. Pontificatus Nostri Anno Decimoseptimo.

Confirmantur binæ resolutiones Capituli Generalis Congregationis Presbyterorum Piorum Operariorum de celebratione ejusdem Capituli.

*Constitutiones confirmatæ fuere a Greg. XV. Const. edit. 1621. Apr. 1. P. 1. & Urb. VIII. Const. edit. 1634. Nov. 6. P. 12. Hujus Pontificis Const. ed. 1712. Jan. 3. P. 12. concessa fuit Ecclesia, & Collegium S. M. Montium de Urbe Et Bened. XIII. Const. edit. 1726. Junii 3. P. 2. interdicitur omnibus sibi assumere nomen Piorum Operariorum.*

CLEMENS PAPA XI.

Ad futuram rei memoriam.

EXponi Nobis nuper fecerunt dilecti filii Præpositus, & Capitulum Generale Congregationis Presbyterorum Piorum Operariorum nuncupat., quod in eorum Constitutionibus inter cætera potissimum ex Cap. 20. eruitur, quod Capitulum dictæ Congregationis singulis annis cogi, omniaque ejusdem Congregationis Officia ad annum esse debeant; Itidem in Capitulo 3. earundem Constitutionum constituitur, quod in receptione vocalium, omnes, qui decennale tyrocinium in ipsa Congregatione laudabiliter expleverint, admittantur, & alias, prout prædictis Constitutionibus, quæ a fel. rec. Gregorio XV. & Urbano VIII. Romanis Pontificibus Prædecessoribus nostris Apostolico munimine in forma specifica roboratæ, atque ab ejusdem Congregationis initio huc usque servatæ fuerunt uberius asserunt contineri; Quoniam vero jampridem compertum fuit, prædictas ipsius Congregationis Constitutiones, quæ primum in Civitate Neapolitana ortum habuit, & subinde quoque extra Regnum adolevit, in ejus exordio optime accommodatas, nunc aliquo modo progressum, & bonum ipsius regimen impedire, ideoque anno proxime præterito in Capitulo Generali statutum fuit, ut idem Capitulum futuris temporibus, nonnisi triennio expleto celebraretur, dictaque Officia deinceps triennialia forent, utque vocales ad numerum tricenarium reducerentur; ita ut in casu vacationis tantum alii juxta formam præscriptam admittantur, prout in resolutionibus desuper habitis fufius asseritur etiam contineri. Porro cum die 24. Mensis Julii proxime præteriti ad enixas preces dilecti filii Moderni Procuratoris Generalis ipsius Congregationis dictæ duæ resolutiones in infra-scripta Congregatione Cardinalium relatæ fuissent, ipsa Cardinalium Congregatio die 25. Septembris dicti Anni illas confirmandas esse censuit, verum quia quidam prædictæ Congregationis Piorum Operariorum Presbyteri, qui huic Congregationi ad præscriptum primitivæ Regulæ nomen dederunt, eorum præjudicium quoad restrictionem vocalium deduxerunt, prædicta resolutio ita moderata fuit, ut sine illorum, qui memoratam Congregationem ante publicationem Decreti hujusmodi ingressi fuerunt, præjudicio, procederet, sed adversus prædictas duas resolutiones, nonnullis ex eisdem piis operariis reclamantibus negotium iterum ad eandem Congregationem Cardinalium deductum fuit, & partibus utrinque voce, & scriptis acerrime informantibus, dicta Congregatio Cardinalium stetit in decisis.

Cum autem sicut eadem exposito subjungebatur ipsi exponentes binas resolutiones hujusmodi Apostolicæ Confirmationis nostræ patrocinio communiri plurimum desiderent. Nos specialem ipsis Exponentibus gratiam facere volentes, & eorum singulares personas a quibusvis

CLV.

Dat. 1. Apr. 1717. An. 17.

Resolutiones prædd. anni 1716. editæ reformantes Constitutiones, sunt, de celebratione Capituli singulis trienniis de Officiis triennialibus & de numero tricenario suffragatorum.

A Congregat. Episc. & Reg. approbatæ fuere sine præjudicio eorum, qui jam antea Congregationi nomen dederant.

Preces Capituli.

excom-

Confirmatio  
recensitarum  
resolutio-  
num.

Clausula.

excommunicationis, suspensionis, & Interdicti, aliisque Ecclesiasticis Sententiis, & Censuris, & pœnis a jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinanti, de Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum consilio, binas resolutiones prædictas a memorato Capitulo Generali factas, ut præfertur cum omnibus, & singulis in eis contentis auctoritate Apostolica tenore præsentium pro nunc confirmamus, illisque inviolabilis Apostolicæ firmitatis robor adjicimus, ac omnes & singulos juris & facti defectus, si qui desuper quomodolibet intervenerint, supplemus; salva tamen semper in præmissis auctoritate memoratæ Congregationis Cardinalium.

Decernentes easdem præsentis literas firmas, validas & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos etiam Causarum Palatii Apostolici Auditores judicari, & definiri debere; ac irritam, & inane, si secus super his a quoquam quavis auctoritate, scienter, vel ignoranter contigerit attentari.

Non obstantibus præmissis, ac Constitutionibus, & Ordinationibus Apostolicis, necnon quatenus opus sit Congregationis Piorum Operatorum prædictorum, etiam juramento, Confirmatione Apostolica, vel quavis firmitate alia roboratis Statutis, & Consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene & sufficienter expressis, ac ad verbum insertis habentes, illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 1. Aprilis MDCCXVII. Pontificatus nostri Anno Decimo-septimo.

CLVI.

Confirmantur Privilegia, & Decreta Congregationis Episc. & Reg. ne quis vetat eleemosynam quærere Fratribus Discalc. S. Francisci Strictioris Observ.

*Inn. XII. Const. ed. 1697. Maij 4. P. 6. declarata fuere quedam Privilegia FF. Strictioris Observ. Benedicti XIII. Const. ed. 1725. Dec. 10. P. 2. confirmantur Privilegia Mendicantium. Et Constit. ed. 1727. Sept. 20. P. 4. Provincia Reformatæ Vallis de Mazzara conceditur receptio eleemosynæ pro Missis.*

Dat. 8. Julij  
1717. An. 17.

CLEMENS PAPA XI.

Ad perpetuum rei memoriam.

Preces Fratrum Provinciae Matritensis, aliorumque Cenobiorum pro confirmatione facultatis quærendi eleemosynam.

Exponi Nobis nuper fecerunt dilecti filii Fratres Discalceati Provinciae S. Josephi Matritensis, omniumque Regnorum tam in Hispaniis, quam Conventuum ubique existentium Ordinis S. Francisci Strictioris Observantiae nuncupat, quod ipsi privilegia eis a se. rec. Sixto PP. IV. Prædecessore nostro in §. VIII. Bullæ Auræ concessa, necnon Decreta a Congregatio-

ne tunc existentium S. R. E. Cardinalium negotiis, & Consultationibus Episcoporum, & Regularium præposita pluries emanata, ac ad alios Regulares extensa, per quæ decernitur, quod Fratres Ordinum Mendicantium ab Ordinariis Locorum, seu ab aliis Regularibus prohiberi minimè possint, quin per se ipsos in locis, ubi habent Conventus, eleemosynas quærant, sed tantum, si extra loca, ubi Conventus reperiuntur, quaritare voluerint, suorum Superiorum licentiam Ordinario ostendere teneantur per Nos confirmari plurimum desiderent. Nos ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis Sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinanti, de Venerabilium Fratrum nostrorum ejusdem S. R. E. Cardinalium negotiis, & consultationibus Episcoporum, & Regularium præpositorum, qui relationem dilecti filii moderni Procuratoris generalis dicti Ordinis super præmissis ad eosdem Cardinales transmissam viderunt, consilio, privilegia, & Decreta supra recensita, & respective extensa auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robor adjicimus; salva tamen semper in præmissis auctoritate Congregationis eorundem Cardinalium.

Decernentes easdem præsentis Literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Non obstantibus Constitutionibus, & Ordinationibus Apostolicis, necnon quatenus opus sit Provinciae, & Ordinis prædictorum etiam juramento, Confirmatione Apostolica, vel quavis firmitate alia roboratis Statutis, & Consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die VIII. Julij MDCCXVII. Pontificatus Nostri Anno Decimo-Septimo.

Confirmatur Decretum Congregationis Episc. & Reg. de divisione Provinciae S. Joannis Evangelistæ Insularum Azzorum, & Terseiræ Fratrum Min. de Observ.

*Inn. XII. Const. ed. 1700. Jul. 10. P. 9. confirmata fuit alternativa in d. Provincia. Hujus Pontificis Const. ed. 1712. Dec. 23. P. 13. revocata fuit dismembratio Cenobiorum a Provincia Neapolis FF. Discalc. Et Inn. XIII. Const. ed. 1722. Jun. 22. P. 2. extat commissio Nuncio Neapolis super d. dismembratione.*

Confirmatio  
præd. Privilegiorum, &  
Decretorum.

Clausula.

CLVII.